

師
竹
齋
集

師竹齋集卷六

蜀綿李鼎元墨莊氏撰

丁未至己酉

古今體詩一百九首

喜紹初至

馬蹄到門住鵲飛噪忽息闐然客登堂衣垢面如墨老
母坐相問小兒顛欲踣阿兄索文章阿嫂問酒食釋女
始能行驚啼走且匿徐徐具湯沐欸欸敘鄉國年穀豐
可慶親舊死堪惻囊出一束書家家寒溫得上言錦城
秋喜氣溢城闕下言潺亭西賀客塞江北窮宦近十年
隣里我何德虛勞獎借意恐負推挽力同胞兄弟三科

第幸如織努力折杏花爲我張羽翼

慰紹初下第疊前韻

良馬千里蹶大鵬六月息蓬蒿有達人歧路多楊墨汝
今小蹭蹬未便是顛蹣寶劍在匣光甘蔗從尾食胡爲
女兒態見客輒羞匿當同良醫心出手定醫國憶我昔
上書三屈猶懇惻鳬塘刻苦士四上乃能得功名有階
級如室有堂闕善緣或技窮善戰或追北男兒須有守
至人在修德搏象與搏兎要皆用全力斷港安問海斷
機安問織期汝三年飛沖天養雲翼

大人歸自浙

親老猶爲客兒愁與路長平安今始信憔悴轉增傷菽
水貧微祿關山憶故鄉家貧無一可色養慰高堂

史館卽事二首

每到東華曉色侵懷鉛期不愧詞林尙憑月俸充甘旨
爲破年規廢苦吟

館規每歲例成傳十二篇

事遠動勞丞相問傳成

堪共宿儒斟要求信史真難事玉尺冰壺一片心

十月從修傳百篇儒生報稱敢云賢曙鴉噪日誰驚起
冀馬嘶風自著鞭藜杖有靈來太乙筆花無夢到青蓮
怪來詩句何寥落只爲編摩少酒緣

中秋

今宵眞筭慶團圓舉室承歡聚一筵不負當頭明月滿
幾回貪看壽星懸最難骨肉成三樂況有聲名繼八磚
白髮雙親怡悅甚聽孫索果傍門顛

偕雲峯登文昌閣卽以贈別

莫美元龍百尺樓今朝眞到最高頭萬家烟火簷前落
四面雲山眼底收荻港瀟瀟新雨淨菊花淡淡晚風遒
不堪聚首纔經月又唱陽關下隩州

塏兒受室詩以示誠

人生須受室受室年已長學問究何成妻子漸馳想憶
當庚寅秋兒時始脫襁我方折桂枝聲名動鄉黨阿祖

初弄孫珍若珠在掌阿母初舉男襁褓始學養十歲工
小詩頗謬宿儒獎一病經八年短小尙疇曩既婚卽成
人事事宜勉彊詩書患不多聞見患不廣止水易受塵
明月不常朗琢玉須玉人求珠在象罔天性苟不漓聖
域亦能往望汝非功名立身貴誠謹況有繼母賢教子
鍾郝上致孝神所歆修德聖所保汝松柏心守直慎
毋枉賢遂識根茂力田誠鹵莽

書平臺節畧後

臺灣兵又動逆番肆姦尤捕勦有成規方畧在青史我
朝初平亂曳影隨所指何物鄭成功公然抗 天使寬

誅四十年狠心不肯死遊魂海濱上鱸魚竟生子

聖祖勃然怒陳兵不得已萬里屠長鯨一舉翦封豕施

琅黃梧

秉廟筭鬼神助治理風送半門潮人趨一帆

駛極天掃欃槍拓地清海水番情昧覆轍賊志少堅壘

安瀾未十年孽種又潛起施侯

世驃

仗奇策集謀資多士

靖波波不揚叱海海爲徙從此偃干戈日漸成村市鹿

皮輪萬張洋糖貨千里香秔多莫量海物積難紀居然

富庶國頗爲官民喜今者賊何爲無端謀不軌此輩全

底魚豈異墓中蟻安足勞王師也復費弧矢颺風摧

枯然烈火燎毛耳史臣秉筆書聊用紀終始

代館吏吟十首

見說來朝欲進書下園生怕雨隨車
傍人莫問生涯事
文字叢中一壁魚

見人送館似登仙到館何曾值一錢
敝盡衣裘官未敘
誰憐徹夜抱書眠

紅本千堆未易搜官家催索恨遲留
例嚴不敢持燈燭
落日窺簾又上鉤

暗中募索日千迴守口如瓶不敢開
昨日似聞同伴語
有人曾訴總裁來

圖書修纂盡詞臣字字推詳妙入神
提調不知胥吏苦

幾回貪改促謄真

年少翩翩似女娃後來居上積如柴陳人十載貧何用
承發衣冠稱好差

朔望紛紛點卯來一回誤點吏須裁憶從上館無虛日
當道何曾獎異才

章程功過太分明檔子輪流用意精昨日有人新到館
已看冊上著勤名

拙婦何堪事兩姑十分心細總嫌麤求官似此真磨杵
到得成針鐵性無

萬事如斯莫更論卽看官長半寒門八千月俸何曾少

扣到家中幾貫存

西河

西河流玉泉曲折遶城轉步步築石塘層層闌木版萬
戶資取攜三尺較深淺清源無竭波餘澤自迤衍我性
耽幽居此水如上善一住八九年日還三五時春時魚
上冰秋時鴨生卵夏時柳送風冬時床作輦

謂冰床

有時

垂一竿隨意吸一盃飲水勝飲醇習閑並習嬾矮屋配
野人高城當重巘池雖非習家客時坐山簡興至趁雅
題酣餘佐殘殘漁人供蝦菜汲傭助茗薺水月代我燈
水雲代我繖豈必亭榭陳自覺情意款邇來忽不樂斗

室患人滿欲移尚躊躇惜別先綖繾安土誠重遷清境
況殊選河聲淒不揚柳眉結難展頗似賢主人客去含
淚餞感此還稍留且待碧波煖

戊申

哀哀吟

并序

戊申正月十有三日先大夫見背一痛忘生百
身莫贖盡拈書籍含歛初完驟拊靈輻山川復
阻燕齊河畔吳楚江邊每當月落烏啼風高猿
嘯亦欲含毫吮筆寄恨輸哀一字未寧淚先濕
紙中宵不寐心如死灰乃知古人居喪廢詩匪

惟守禮已酉仲春言旋故邑身行萬里歲紀一
週仁兄愛我強集詩牌感觸愁懷追念無已因
補吟十五章章二十句情緣哀起言出痛腸統
名之曰哀哀吟

遭憂歲戊申補詩在己酉腸斷已一年於文亦何有雨
村憐我困慰唁兼以酒醉後出詩牌循循復善誘哀哀
顛沛情未忍出諸口聊用寫愁思敢云技癢久正如破
戒僧食肉還引咎又如學步兒强行仗慈母旣發轉難
收積痛況已厚含淚續蓼莪不堪重回首

回首去年正哀風捲春露吹碎孤兒心寸寸挂庭樹倉

皇避熱蟻顛頓驚鷹兔東西無所奔生死復何顧白髮
一夜生念我似童孺眼枯繼以血無父更誰慕痛哉老
母心毀瘠尤可懼拭淚強相勸淚轉如雨注萬里柩未
歸縱死罪寧恕輾轉懷百憂殘更不肯曙

愁深更愈長痛極寐還少閉目親在堂覺來夢未了似
聞語催歸兼屬舟行好三峽接九江風波恐難保風波
亦易保忠信以爲寶惟孝感鬼神惟誠格蒼昊兒命仗
父靈此外不須禱無財禮太薄出門恨草草鳴雞助我
哀哭上潞河道揮淚別慈幃麻衣月皓皓

日暮到張灣涕泣安靈几櫬寄萬里船命隔一板水行

行過津門海潮怒欲徙有關無稅羈苦塊是行李臨清
達任城閘稠竹節似待閘如待月動以三讓紀孤兒火
焚心河倅冰挂齒一日勝一年衰鬢雪垂耳憂本能傷
人況我罪應死恨無雙飛翼憑空負柩起

身旣不能飛人尤莫我諒囊空無一錢朝夕祭安仗河
東有故人麥舟未敢望涸魴待升斗翻謂原涉讓維揚
苦留滯長江五月漲托鉢走吳越命薄輕巨浪舊遊名
勝地觸目轉惆悵草木多悲風山川失歡狀忼服人所
嫌低顏日悽愴歸櫂哭途窮水落秋風颭

秋聲何悲涼秋雨正淒切狂飈吹客船夜度九江月烏

自
清
涕
深
鵲
泣
歸
心
折
波
濤
怒
不
平
鄰
舟
自
撞
猝
弱
弟
楚
囚
對
榜
人
越
飲
歌
豈
惟
增
哀
思
不
寐
皆
欲
裂
長
江
無
限
險
都
爲
孤
兒
設
敢
辭
魚
腹
葬
怕
與
親
櫬
訣
親
魂
如
有
驚
子
道
已
多
缺
抱
柩
祝
陽
侯
聲
與
水
同
咽

江
險
無
盡
時
兒
痛
無
止
日
秋
色
非
不
佳
淚
眼
坐
相
失
但
覺
霜
露
淒
不
知
水
雲
逸
梁
木
且
易
萎
況
彼
蒲
柳
質
鬱
鬱
廬
山
松
點
點
洞
庭
橘
青
黃
各
相
矜
我
獨
色
如
墨
何
物
最
傷
情
兩
岸
蟲
唧
唧
方
愁
行
路
難
益
嘆
客
心
棘
履
薄
何
必
冰
危
機
在
飲
食
忠
信
涉
波
濤
古
道
近
難
得

自
春
忽
徂
冬
落
帆
漢
江
口
飲
水
思
濱
源
鄉
味
別
來
久
人

雜巴東音米載蜀西斗故園歸有期已是喪家狗預恐
峽中險莫覓掃愁帚忽憶卅年前隨侍父兄後嬉遊何
所知不辨山水某今來失所恃膽落權人手淒風漢陽
樹殘月章臺柳對此倍愴然寒灘天外吼

入峽如入獄步步埋陷穽怒石欺客船危纜繫人命血
泣守父棺生死以身殉豈無肩輿安畏此不敢請白日
不相照北風一何勁帆學之字行多逆還少順援聲天
上啼鼙鼓地中應驚魂落深灘三暮絲盈鬢巫山雲故
高瞿唐水自橫出險尙無期歸期那能定

險亦有時盡路亦有時止夔門竟生入我眉月送喜江

到合州分認得縣谷水豈無灘勾留淺揭易爲理忽忽
年已過夢寐一彈指長爲無父人微命信如螳迴望燕
山雲有母正思子春鴻故高飛無緣寄一紙艤舟越王
樓柴門去尺咫親友爲招魂近在水之涘

舍舟忽登岸此身方屬我懸旌萬里心安頓初貼妥鄰
里助執紼父老揖道左觀者如堵墻村婦雜髻髻廿年
始歸家行輩半老者故舊詫我肥未敢便乘馬鄉黨禮
宜敬況乃素冠假安步隨父靈遇險拜還下頗慚宦有
日親戚歡娛寡急難相扶持益令我心寫

父柩將入門親人夾道哭無計能返魂百身亦徒賸遊

子墨綴歸政日非白屋鵲巢鳩居久鄰里似新卜宅後
山白青宅前水自綠童時釣遊處眼淚增感觸吊唁煩
友朋慰勞有親族相對無別言哀聲斷還續就中惟姊
妹誼是親骨肉苦塊話餘生悲風動靈幄

久客長思歸及歸反如客鄰人餽雞酒日來飲我宅斷
飲已一年此意厚難逆敢謂小祥後念今轉痛昔天涯
赤手回千金水中擲步步仗友朋舟剩純仁麥送死誠
大事牛眠尙須擇豈必求富貴要足妥魂魄祖塋固佳
城鱗次苦無隙芒屨入山去足繭復何惜

朝上象鼻山暮登雲龍寺荒塚何壘壘古人卜葬地舊

笑古人癡今更爲癡累地脉何有無爲親不敢易夜夢
神語我聖水溝有異驚起求夢徵徒步捐從騎有山如
螺盤有穴如鳳墜堪輿得王子指點辨方位城郭與道
路他日定無忌福地待福人俗言信非戲

求地竟得地敢云孝所感但令父魂安兒罪或稍減歸
坐萬卷樓詩牌作詩範雖非賈島佛舅亦無不敢況承
兄友于禮戒不妨犯閒時釣清溪悶來戰茗薜父老雜
孩穉桑麻話日晚忘機到豕鹿兼愛及雞犬孤兒本偷
生務近敢務遠瀝血因成詩不計語深淺

已酉

閏五月邀兩村遊我眉和述懷三首韻

昔我登泰山一覽無寥廓
朅來歸夔門始識山不惡
獨有我眉峯欲往輒失約
非無遊山展風塵難拔脚
所期吾輩人乘暇著芒屨

吾兄助高興暫作出塵想
翻離萬卷樓氣壓千峯上
中年遭坎軻著處多慷慨
出門望西南心目豁以爽快意
須眼前誰能保其往

往事不堪憶抑憂令人老
失馬得馬間何事費追討
古來賢達人任運以爲寶
謝客雖不偕亦有同心好
幸毋墮半途強弩欺魯縞

成都雜詩四首

廿年歸故里風景較前非
城郭新雲護親朋舊雨稀
沱花溪似錦平糶米如璣
喜報兵戈靖西裔已解圍
聞道辛年火城中萬戶空
至今營土木何以報蒼穹
穀貴難爲賈錢輕實病農
聖朝民事重吏治敢忘公
憶昔隆中對三分已早圖
偏安存正統大節在扶孤
魚水千秋契桑田八百株
至今尊廟畧風雨洒荒蕪

萬古詩人宅乾坤一草堂
干戈尋弟妹涕淚作文章
底恨儒冠誤終期國步康
夔州東去日心事益悲涼

陳廣文

浩

邀游草堂寺坐有袁君

雲章

彭君

家璠

李君

起

皆余同年友也兄有詩同和

生與草堂鄰不識草堂寺蹉跎四十春及今乃一至入
門松桂幽池臺亦麤備祠廟何巍煥蔓草殊不治遺像
儼堂中春容多古致稽昔聖賢圖波瀾喜莫二老僧爲
我言此像何氏秘愿劫不消磨始向此堂置神仙多留
蹟魍魎走且避君看碑亭中尙有三丰字蛟龍搏風雲
迴與俗書異憶昨杜司臬到此每停騎拂拭堂中碑手
自擣臼種花留春芳栽竹得秋翠少陵老布衣茅屋
一生寄公豈其苗裔孝思乃不匱自從公去後麤糲又
充饋屋漏無與葺那復問禪栖客來但立談榻脫每遭

悲惟有當道來須陳樽俎器嗟故物有數盛衰一掉臂
君前十年游軒豁固適意烹茶走沙彌迎門趨小吏也
費杖頭錢擇肉到殺截揮去老僧言先愁五經笥枵腹
幾時果況欲謀一醉陳君笑謂我珍羞不擇地須臾羅
酒漿簞簋各盈四同人乃大譁吏才此足記一飽百憂
釋捫腹了無事

登同慶閣

仰迴澗
塔故址

已作游山人既行何用早日午出東郊卽目肆幽討緩
步合江亭長虹婉迴抱危闌跨空碧江風吹浩浩錦城
俯雲霞萬瓦浮蒼昊雪嶺天際白銀漢眼中小良苗正

懷新千里青未了
裁眉雨初霽
積翠淨如埽
清氣極西天
萬象閣前繞
跨鶴好去來
到處拾瑤草

中崑

輕舟忽入玻璃鏡
山色中崑畫不成
聽烏橋頭飛雨過
喚魚池上驟雲生
人歸錦里翻如客
江到眉州分外清
岸柳多情疑別我
籠烟籠月送船行

荔支灣

一騎紅塵妃子笑
荔支在蜀此其殘
猶聞父老江頭說
歲歲開花必報官

茉莉

田田茉莉種山家蝶亂蜂狂十里斜怪道花奴多醉色
嘉州米價不如花

丁東水

由黃魯直改名

非井非池亦非洞如金如玉韻常清却疑水府羣仙集
環珮輕搖月有聲

凌雲峯

朝騎五色鳳飛落凌雲巔九頂一環眺萬山皆迴旋俯
睡三面江水氣連青天回頭望嘉州屋樓空際懸狂瀾
避難堆益信李冰賢郭璞爾何爲高臺尙巋然由來名
士風幽情愜山川已與我眉揖便欲飛騰騫歛手謝山

靈此處吾無緣翻然下城市別有雲中仙

自嘉州至犍眉道中和雨村二首

雪山流水出三峽劃出川南大渡河步步登高高未已
蔭人黃葛入雲多

水田漠漠稻初齊賽鼓鼗鼗日又西不待秋成知大熟
喚晴鳩婦入山啼

伏虎寺

有山如伏虎紺宇枕其腹幽泉流瀾瀾十里蔭修竹聞
昔蔣虎臣曾此結茅屋儼倂功名場一旦返初服入犍
第一山嵐光滿空谷銅塔燈高懸綬頂桃正熟俯視大

渡河曲折繞羅目老僧扶杖迎病愈始新沐啗我普賢
菜味美如旨蓄徘徊下山去更指雲間宿

涼風橋

沿溪月竹碧籠烟遍嶺雲松翠插天一路蟬聲嘶不斷
涼風橋上俯流泉

華嚴寺

玉女雲中峯寺在雲深處雲歸僧不歸山雲自來去

大戟寺

旁大戟石
出神水

神水出石間倒涵石在水磨盪戟眉翠洗拭塵客滓中
含太古雪漱之冷侵齒此處通玉泉相去幾千里聞昔

智禪師龍女遣來此乃知上善人法力竟無比我有一
片心清虛直透底色相空如如心與水同止

中峯寺

一峯中天立羣峯拱而集都化佛頭青齊向金殿揖峯
頭有樹如盤龍中有毒蟒怖殺儂一自禪師伏弩後今
人直上白雲峯我聞三真人到此皆羽化又聞老涪翁
習靜有精舍騎羊仙子去不回山中猿鶴銜餘哀何當
絕頂弄明月身跨白龍歸去來

雙飛橋

白龍天上來烏龍地中逐相同不肯降雷雨薄崑谷賴

自今夏集
有石丈人截流聚其族宛轉化爭心殷勤合眷屬雙龍
成一家始仇終更睦出山作甘霖流澤千里沃

雨

千峯擁樹層層上一徑沿溪步步移東嶺太陽西嶺雨
醉人山色是裁眉

賦得山中半雨半晴時輓轡體和雨村韻

山中半雨半晴時似有龍飛白水池遠樹蒙籠蕭寺冷
却疑秋色在裁眉

睡起僧寮日上遲山中半雨半晴時濃雲壓屋垂垂黑
案上燈殘昨夜棋

誰將尺幅青天挂一箇峯頭一軸畫山中半雨半晴時
時有笠僧林外話

遊人那怕路傾崎苔滑梯高杖可持一徑濛濛雲裡樹
山中半雨半晴時

題雨村畫盆梅雨竹二絕

六月巖間雪盆梅筆底生枯椿却似石背後一枝橫
爲作雨中人畫作雨中竹雨收風過來簫聲落天竺

華嚴頂

暫憇華嚴頂雕胡飽一餐雲歸空砌濕日落遠峯寒月
竹短於草金蓮香勝蘭輕裘忙遣換頓覺客衣單

鑽天坡

天梯一道斜厯級千萬億以杖撥雲行觸破青天色

白雲殿

峯頭結小庵雲與僧同住客來僧不迎自入雲深處

白龍池

大哉生異魚傳聞是龍子其身方面黑其頰墳而紫其足蜥蜴如其尾海鰐似隱隱見鱗角鑿鑿露牙齒見人馴不驚在水遊不駛取之置盆盎目光向人指擗之過雷洞聞雷去如徒異哉尺寸軀變化乃能爾我聞龍致雨定非升斗水池深不沒踝曷爲久羈此得毋潛其德

大隱類高士茲山可息心茲水可洗耳入山還出山我輩真愧死

佛燈歌

鐘鼓寂寂銀河殘佛燈將現僧呼觀大被纏腰山殿後
罡風刺骨重裘單或高在山低在麓或遠在江近在谷
萬人列炬上山來陰火燐燐斷還續疑是元宵錦城燭
又疑星隕如珠聯濯以甘露光逾鮮太乙杖藜朝普賢
化身散作千金蓮燭龍銜耀照重泉見大光明有如此
真耶幻耶誰所使蠻君鬼伯爭前驅應笑生人凍欲死

佛光歌

佛現鳥鳴僧擊鼓山上山下人接武都來臺上看佛光
斜倚欄杆立如堵白雲團團如白玉填坑塞壑出空谷
臺前忽作鏡面平十里湖光潑新綠鑑人身手長而頤
我見我影人不知佛說是法觀平等似此眼界毋乃私
白雲漸低影漸瘳始覺臺身高百尺日光散作錦千堆
草木含輝四壁赤諸法空相其理元屢樓海市須臾間
瞥眼恍惚如夢寐光滅雲散山依然老僧佞佛死不悟
怪我三日見兩度謂佛於我大有緣我於普賢實無故

出門行

栗冽朔風寒草木隕霜雪遊子將出門泣與父墳別墳

土乾幾時又到楚江湄驚魂落三峽此行招之歸魂兮
歸不歸遶墓涕四垂老母滯燕北衆雛聚何遲姊妹牽
衣訣未語淚先咽歸期定何時莫教鴈信絕

別鳬塘

北上君依母南遊弟衛兄寒風吹別袂江水咽離聲匹
馬連雲棧孤舟萬里情前途經漢沔書寄武昌城

鹽井行

井引

蜀去海遠無鹽利鹽井之法始於秦李冰華陽
國志謂冰識齊水脉穿廣都鹽井諸陂池者是
井皆沿江或山頂或江岸率深四十八丈卽得

鹹水裡圍不過尺許密甃以竹名曰簾以避淡水簾無深淺淡水盡簾亦止焉井口架木高三丈餘上置轆轤以繩繫竹筒通其中長架之半底以皮爲鍵鍵衝水自開旁用牛車以汲筒上而鍵自閉啓鍵傾水煮之成鹽他鹽無此法也詩以誌之

煮海爲鹽齊以興後來淮揚尤擅能蜀去淮海數千里食淡咀苦難爲情蜀民訴天赤海決巨靈鑿地坤軸裂四十八丈窮黃泉一筒靈水出山穴甃以竹簾塗以灰淡水闔盡鹹水來暗鍵吸吞地底滴海神不識空疑情

夜半輓轡聲四起邊笳畫角亂盈耳無數哀猿啼山椒
一羣寒鴈叫雲裡從此蜀不憂無鹽天波不竭民均霑
却看火井煮鹽處更有神龍井底潛

釣灘行

灘淺水急舟人纜繫船頭側放而下名曰釣灘

水激石怒疾如箭舟子拿篙與石戰下灘轉學上灘船
一纜釣頭命垂線欲下不下橫衝波飛濤打岸驚龍鼉
安得提石擲山阿舟行上下無蹉跎

霧

灘淺石有威船疾柁無主一柁差毫釐性命付水府況
乃連朝霧隔手失洲渚茫如墮瀚海微辨日東吐披豁

見青天亭亭已卓午我行豈願遲頗念舟子苦隨遇得
安適至人戒莽鹵不見疾行船一破不可補

射洪弔陳拾遺

子昂不得志東上長安城瑤琴一朝碎千金買詩名淨
洗六朝粉獨彈太古聲皇皇感遇篇長與江水清名高
道彌重位下身益榮吁嗟名見忌千古爲不平俯仰緬
前哲涕下空沾纓

自綿州至射洪雜詩四首

涪水滔滔繞郭流萬家烟火傍沙洲行人莫笑空城廢
顯慶年間磊落州

綿州八月收香秔共慶田家百室盈茅屋日乾薦葉子
沙田雨過落花生

山如走馬千羣過江似羊腸九折盤掠面驚鳬飛不斷
輕舟已下柳林灘

金華直上蔚藍天江岸濛濛萬井烟一路轆轤聲不斷
亂山四處是通泉

遂寧黃葛樹

并序

遂寧城東有黃葛樹大七十圍一本兩枝庇蔭
數畝根如屈鐵狀作蟠虬枝幹臃腫不中繩墨
匠石不之顧也而土人神焉號曰將軍疾病禱

之輒應語頗荒唐是樹也雖無後凋之心頗有
解慍之德能於湫溢囂塵中全其天年以視秦
之割桐之焦殆有異焉感而作歌

老樹搏風風怒號城東十里驚松濤山雲常護不死樹
黛色直與山爭高土人私上將軍號往往夜半嚇兒曹
恐是千年老蛟化得人血食今成妖不然定是古社櫟
見夢匠石無所撓吁嗟黃葛類有道斧斤可謝名可逃
每當六月暑威酷獨舍秋氣風颼颼庇蔭千人無德色
世上如君吾罕遭

梓潼鎮

日暮蒼崖迴雲藏碧樹幽淡烟團竹墅白鷺聚沙洲米
貴猶商販薪多儘婦收江流東去疾身世一浮鷗

鷺鷥溪

山銜落日樹陰低客子停舟鴉亂啼不到鴛班頻雨載
今宵却泊鷺鷥溪

溫湯峽

羣山趨東南勢與水入楚溫湯小三峽險隘關門戶青
天參石峯綠樹蔽烟渚上有飛來泉寒冬沸如煮祝融
暗吹噓陰火噴林莽壽簾謝霜雪幽谷易風雨彷彿昌
平泉感嘆驪山阻憂來百病集一沐究何補

重慶府

環巴皆雲山形勝茲郡絕雙江繞如指長城掉似舌人
烟彌崇岡水陰蕩層堞白帝千里移岷山一氣接游民
少積蓄生計在舟楫川米易蘇布衣食各有愜清風塗
山來抗懷想禹烈百折巴字流灘稠過竹節自古天險
地萬代幾興滅世少巴蔓子堅城亦徒設

江州雜詩三首

張儀亡蜀復亡巴肯令商於入楚家日暮枳城雲不散
幾人痛哭讀懷沙

世上爭傳粉墮休美人粧鏡擅風流粧成却向清泉照

瞥見鴛鴦轉自羞

登臨幸得願無違
選勝探幽入翠微
月夜朗吟蘇子句
洪崖洞口白龍飛

江北二首

冷遊那是消魂處
江北人家竹舍低
獨火孤舟何處客
夜深輕渡海棠溪

人如蛾子酒如江
夜半敲門不吠尨
試向沙洲弄明月
鴛鴦驚起一雙雙

涪州

不幸涪陵產荔枝
紅塵一騎萬民疲
可憐妃子園猶在

落日空林叫畫眉

平都山

鬱鬱平都山幽暗鬼所族古殿住閻羅風雨夜深哭藤
蘿助蒙蔽松柏假嚴肅冥冥地府情苦樂正難卜神道
可設教古尙非今獨側聞王方平於茲受秘籙陰氣環
衆靈陽光避幽谷多謝求福人福地非吾福

忠州至雲陽雜詩六首

細雨臨江臘月天風流太守憶當年東西坡上梅開未
恰有香風到客船

薄暮天寒兼細雨孤舟搜句欲張燈正愁吸酒無他物

恰聽兒童送引籐

篆竹猗猗傍水湄人家多住北山陂却憐蕩槩兒童喜
笑捧雕籠賣畫眉

路入巴東何處好萬州郭外最清奇南山雲接北山雨
正是寒江欲暮時

清溪汨汨響巖阿古岸蒼蒼挂薜蘿自是細流江不擇
雲安一路澗泉多

一望青山頭盡白雲間犬吠竹稍肥北風似妒南中雪
吹落寒江作雨飛

弭頭虎子行

胸臆壯士射白虎高樓密排白竹弩中頭三節虎患除
秦王按劍惜茅土黃龍一雙酒一鍾夷人安之各長雄
却佐沛公定天下逐鹿夜入咸陽宮咸陽宮中烽火息
弭頭虎子歸故國夜渡五溪血洗箭白日青天動顏色
射生追殺豺與狼蠻刀出匣疑新霜上山不讓猿猱捷
入洞便偕狐兔藏野性難馴易反側不服刑誅服至德
世號虎復安愚蒙別有貪心世莫測

巫峽有感

蜀江天上來浩浩去不息巫峽排雙扉鎖住青天色削
壁鐵鑄成鎖鑰怒相逼日透一線光雲埋千嶂黑潛蛟

窺客船暗石不可測我行匝一月始知別故國山川亦
何殊鄉音漸難識側聞楚襄王神女事幻惑屈平旣見
放宋玉乃侍側艷詞門新聲於道豈云得去去勿復言
世情忌悻直

空船峽

夜寒人靜雙崖黑水落天高一線青漁父香溪沽酒去
扁舟載月度空船

新灘

是日船觸石破
不及水者三寸

有灘莫不險險到新灘絕濤聲四序雷浪花百尺雪積
石橫江心神禹不能挾強鑿南北槽敢曰功未烈秭歸

弄船兒玩水計何拙性命輕鴻毛爭利龍鬣窟孽龍何
自來衝波肆奔突怪我書滿船搬弄三峽月欲薄我於
險乘危乃迅發舟人如死灰馳馬竟一蹶我時坐灘頭
驚浪濺毛髮僕來幸舟完此險慎毋忽

黃牛峽

醺酒烹羊打鼓聲禹王廟下客心驚試看鬢已成絲未
三暮黃牛峽裏行

西陵峽

江風浩浩石稜稜客路衣單凍似蠅最是孤兒腸斷處
哀猿聲裡下西陵

明月行

皚皚峽中石落落挂明月明月照行舟天空江自流江
流東不還明月長在山在山復在水淡蕩綠雲委鵲巢
知避風雁陣知隨陽乘時各自爲誰復能相商客從衡
山來遺我雙白龍乘風騎白龍直上雲峯中放眼看雲
峯峯中樂何窮上有神女席下有宋玉宅

偶成絕句

身入異鄉懷故里遙憐錦水尙相親生憎千里裁眉月
不照巫山峽裡人

山峽

西北連山斷豁然天地開東南一憑眺遠近萬帆來江
濶月光大波平雲氣頽故鄉猶有水相送楚城隈

荊州

吳楚興亡地雄圖一望收天低雲夢澤人在月明樓陸
抗空紆畫靈均不自謀誰能拋世事湖上狎羣鷗

立春日有感

歲月不相待行人空白頭青歸楊柳岸春在木蘭舟弟
妹睽燕蜀功名薄魯周魯肅周瑜封侯雖有願更願識荊州

荊南懷古二首

猿聲聽盡客如何漫續離騷弔汨羅至喜亭遙山瘴少

莫愁村近竹枝多由來冠蓋堪名里信有銅鞮學唱歌
日暮漢臯驚歲晚美人何處隔風波

酒酣更與論英雄江漢滔滔萬事空檀水竟防先主馬
蘭臺誰賦大王風屢聞晉將趨吳下幾見秦兵拔郢中
回首峴山多少淚龐公家住鹿門東

沔陽漁父吟

男提密網婦擊楫撐突波濤掣一葉生涯衣食湖中魚
那管風狂雪浪急賣魚得錢沽一甌醉歸蹋碎明月洲
月明風靜各歸去忘却洲邊網未收

和紹初除夕

忽忽江城感歲華連年兄弟客爲家相依真是衡湘鴈
不在天涯卽水涯

師竹齋集卷七

蜀綿李鼎元墨莊氏撰

庚戌古今體詩一百二十四首

登武昌城南樓

山川簇錦上城頭記得當年客夜遊
明月烏啼黃鶴嶺春風鷗泛白沙洲
南湖樹色空中漾西塞嵐光眼底收
今日武昌誰作鎮肯從殷浩暫登樓

晴川閣

南紀樓東新建閣嘉名還是昔人題
斜吞沔漢三秦近平瞰江城萬戶低
吹笛乍疑黃鶴下推窓但許白雲棲

問誰會得烟波趣架上流鶯恰恰啼

雨霽登黃鶴樓

黃鶴孤樓壓渚宮滿城烟景接長空無邊楚色瀟瀟雨
不斷江聲浩浩風鸚鵡洲連春草綠鳳凰山帶夕陽紅
白雲靄靄仙人去萬古愁銷一笛中

登大別山

振衣千仞趁朝曛江漢遙從萬里分鄂渚沙寒悲屈子
洞庭波暖憶湘君三川西接荆門雨孤雁南衝岳麓雲
極望歸舟天際沒落帆浦上樹紛紛

元宵呈畢制府時將西歸

事難如願更誰呼自識先生禮待殊
累困重開分魯蕭
麥舟終世感堯夫
尙貪燈火過元夕
肯逐荆人賽紫姑
明日放船春水暖
離愁一片寄江湖

劉氏園

依山高下築亭臺
矮屋如舟逐徑開
閣道巧遮千个竹
欄干曲護數枝梅
江澄匹練當窓挂
岳噴孤雲拂檻來
城市居然饒野趣
嘉名不愧小天台

嘉魚舟中順風

嘉魚欣賦快哉行
一日還兼數日程
夜雨夢殘金口驛
早風愁破石頭城
江吹雪浪飛鳧疾
岸擁雲山走馬迎

正是名心歸似箭挂帆不正未須驚

自夏口至岳陽三首

漢水支流太白湖却從沌口向江趨分明記得西來路
兩岸垂楊覆竹廬

客意遙憐倦鳥歸鳥林霽色淡斜暉分流忽訝江心水
一線沙銜白鷺磯

江入洞庭水不流巴陵雲去浪悠悠恥隨天下爭名士
細雨春帆過岳樓

雨中二首

垂楊垂柳漾江邊淺淺籠沙沒拂烟幾處人家湖影裡

門前多繫打魚船

魚船一半挂魚罾
蓑笠漁翁手結繩
入暮樓船初泊後
賣魚人散一江燈

百里洲

落落人家散水鄉
門前菰圃近池塘
一叢綠竹籠烟密
野雀爭枝噪夕陽

枝江曲

郎家枝江西妾住枝江北
少小同戲嬉朝暮大隄側
如
何爲夫婦頓爾輕別離
翻如參與商終歲無見期
去年
郎船上罾塘妾心愁牽岷江長
今年郎歸到沙市妾夢

先度荆門水連宵卜燈花預喜郎歸家枝江作銀漢一
去又天涯無計留郎勸郎住恨不分身隨郎去願得狂
風留客船細把愁腸對郎訴

雨

荆江多驟雨一半是濤聲客夢風中斷春帆霧裡行山
嵐朝不散漁火夜偏明西望三巴遠愁牽水萬程

巴東見李花盛開

巴東城市似山家春樹團團逐嶺斜遠望渾疑白石爛
不知山李盡開花

蜀江船

蜀江船身直如弦樓短頭長柏板堅水行恍訝蟲百足
四十把橈齊向前船之大者長楫添矯如紫蟹雙螯尖
絳以火掌車輪旋連竹片爲絳日火掌一帆百布空中懸船之小
者常減半下水帆絳都棄捐長年三老舅且便開頭捩
柁目無全水漲神速更莫比千里江陵一日還我從武
昌歸故山已見明月兩回圓每逢險灘破巨浪大船微
側小船顛忽爾觸石尤堪憐木片片飛無完船乃知涉
險禍最烈不如歸卧雲龍巔

雲陽晚泊

正是離愁棖觸人杜鵑亭上月華新不堪細雨清明後

白竹園集 卷一
獨醉雲安麴米春

蛾眉磧

仲春暖似夏初時萬縣桐花開滿枝夜半山岬殘月吐
一痕沙磧畫蛾眉

蜀灘謠

并引

蜀江灘險舊矣而名多不著石湖竹枝放翁入
蜀記間舉一二復多缺畧豈以名不雅馴難言
之耶夫禽語童謠載之盲左形爲詩歌不嫌俚
俗況華陽國志已有破石下瞿之名道元水經
亦著虎鬚狼尾之號相沿旣久欲易不能爰採

古諺之遺用補下里之曲取綿州至夔陵數百
灘綴輯成謠附以嘉州至巴縣各灘授櫂船郎
歌之以誌險阻

綿州

城角老鴉飛東下大佛寺羅鍋一轉身忽自泥窩至

三臺縣

月明爛柴灣全家葫蘆下老馬放青山石虎卧草壩

碼碯厓前三折腰白蓮灘下千佛朝身披麻衣度板橋

射洪縣

石榴慈竹黑水東注觀音喜五郎怒斗磨中有鐵線度

仄巷子鬼錯路

螺絲低兮馬石高寶石誰買兮古井誰淘
洋桃花映大棠月毒龍三眼半邊號

蓬溪縣

馬家有梁濠焦石接笕槽浪湧雞公嶺
波翻走馬窩

遂寧縣

豹子口白鹿江謝八老獵鳥木椿二郎跨馬石如虎營
盤鳥獸黃蓮苦

三硯石橫江之湄玉荷香散落魚溪觀音閣上看楊柳
沙蜂飛過白蟬嘶

安居縣

鰲背不可託魚劍不可持
晒經石畔橫梁低高樓房
董氏棲大河有蠻子胸垂布袋披蓑衣

合州

青竹片白礪礪洗油光浸石搖寶誰人知
八子老何來野土地立在坐經灘石隴龍洞
一碗水付與盧家洗磨槃

閻王福趙家濠水淹照鏡腰巨梁一把刀
白鶴濯濯飛來啄烏木

巴縣

野鹿不能馴金雞不能鳴石板百丈藏老蛇橫梁路與
狼虎爭君莫入打魚罾

長壽縣

蠶堆魚鴈連七水還有台盤腰牽子問他灘客不語

涪州

羣珠三百百遂百牽又百背鷺鸞飛竈門內

酆都縣

拏虎鬚探鳳凰鳥牛白馬險莫當鯉魚風起九流狂泣
下珍珠淚萬行

水淹大佛口上下不敢走

忠州

滑石拖板灘響珠相句連折尾妒重載打磨欺輕船
磨刀向猪望猪兮猪兮汝須長防
雙渠潌潌插柳菁菁送客行溺袍青

萬縣

小湖平大湖橫犀角風生愁煞人

長石橐石飛纜高桅鳴鬼吞人九堆骨斧頭雖利將何
爲

洪崖跨白鶴飛上眠石腦猴子獻果來佛面笑絕倒

雲陽縣

大小站上下厓不見黃石公但見黃蓮開
青草如虎鬚慈庄似鬼門客從東陽石板過縱不癡癡
也迷魂

和尚不見腰廟基上水號和尚若見足廟基下水哭

奉節縣

馬湖新開銅錢成堆風廂餓虎來

虎有鬚兮復有爪撲死野獐魚肚飽三纜挽上腰百客
一鎮焦

宰烏雞屠玉兔九糲投下大溪去大小黑石不可住

巫山縣

朽石橫跳蝦蟆低鬼錯路兮猴子迷官家欲渡三分水
莫打沙灘白鷺鸞

香爐鏡架巧安排巫山峽裡神女來神女來流沙開
羊入圈獺歸洞大磨小磨磨不動

巴東

門扇紅日光東母猪涉波求其雄下有蛟龍不可測
魚得過如點額

石刀不可磨巴斗量不得楊家姊妹妬煞人石門不管
過來客

歸州

葉灘波如山新灘平如船新灘如馬鬣葉灘不用楫
方舟難度浮查灘上沙真觀裡蓮花放鐵心肝要和尙
豆一石養驢馬馬槽在馬家路隔通陵下
長埠獺如羊背高有人白洞捕野貓

東湖縣

飯甑倒鱖魚好使君不管人飢飽三斗坪中米誰造
絡虎頭拔鹿角狼頭狼尾不爲虐誰信黃牛可鞭朴
無義銅錢不求何憂大小沱中水不流

三珠紅石紅似果難向果園摘一顆斗船載不得馬鞍
馱亦可打麥場空長黃茅黃金藏冷珠如火莫向白龍

領下髻

冷水調胭脂媳婦背人嬌粧時

虎牙十二雀兒尾青草連天沙市背

嘉定縣

烏木烏牛落濠倒流紅厓青竹竹根稠對我來百無憂
雞觜厓牛心磧半邊山下新窰窄四望吟哦蠻洞麻衣
白金臺象鼻長何益

鍵爲縣

龍江孝女好清溪小鬼醜亂石割紫雲不見木溪口
老鴉旋裡打魚材火掌頻催龍塲卧虎來

編窓子鎖江津馬兒石鳴正愁人

宜賓縣

九愁十損沱鷺鷥浴水起風波憂來暝睡多

南溪縣

香鑪銅鼓聲錯落金雞飛罷鯉魚躍木頭拋去驚散苦
田雀

江安縣

金匾擔挑著野猪走淖坑賴石多失脚墮井口

納溪縣

三堆石九節灘玉魚琥珀出藍田

瀘州

馬驥直立螭螭橫行天生橋有橫梁橫龍搖龍戰千年
石磯新高灘乾碯觜成

石鼻可穿牛腦易破只有猴子逃不過

合江縣

糯米千堆倒流送入壺瓶口羊角風來松漑黃龍吼心
長戚湖灘右

厓險狗難爬樓門門關母猪雞鳴過梅家網巾圍裡黃
魚雙漩金光浮白沙

江津縣至巴縣

石牛有黃牽不動舟來請入甕
荔支如金拾不得梅子
雞心酸無用荷葉黃落魚洞

陽喬灘接古墳堆險過九龍
稠如竹節白楊風暗催怕
橫奔入棺材要洗垢竈門來

珊瑚豆子貓兒眼陳子陸公請自選

發南村

我生四十餘強半客中過歸來尋舊遊
存者皆老大淳俗豈異前所親見飢餓某水及某山
陳迹嘆牛磨出田話桑麻入塾勸文課高興卽長吟
走索子瞻和月來得此樂雖貧實堪賀此行何匆匆
將母愁無奈長安米薪

貴應門童兩個彈指經三年每念不能卧清晨趣僕起
行李或負馱舉手謝親朋宦情今看破官爵爲他人我
身乃奇貨人生欲窺天井底不可坐

武連坡

匹練垂青天洗土出石齒馬蹄踏千年迹與篙窠比崖
深虎嘯風谿黑鳶墮水土人道坡小北客驚岳徙四山
冬燒餘咫尺窮百里重重西南抱齊向劍門止入棧試
新險置縣良有以回望七曲山卑之部婁似

入棧

棧路九曲珠人去穿若蠃未入天宇寬旣入地道否步

步皆危機層層絕來理日光透一線雲陰覆千里上有
崖欲崩下有岸將圯人從天上下馬自穴中駛巨靈擘
太華黃河患常徙神禹闢三峽川米去如水好事多聖
賢功成弊亦起何物牧犢兒助虐乃辦此自是尋干戈
興亡幾代史空爲割據資不得成砥矢翻令柔善人顛
頓愁欲死行行復何言恐懼自茲始

牛頭山

日出羣木踈山色遞曉藹客子踏雲行直上青天外雄
關踞牛角江似蹄濔會回頭望二劍淬鋒將安賴踵觸
後來人幾成滅頂害四山爭向背形勢辨襟帶時清關

吏踈姦民或狼狽頗聞渡口人欺客恣殺獐孤商休夜
行毒魚如蟒大

廣元道中

夜雨傾盆破旅愁行人六月似新秋石崩古路防星騎
江漲嘉陵斷客舟綠樹倒依深澗活白雲低趁亂山浮
懸知氛氣從今洗一路聽蟬出利州

千佛崖

石櫃豁如門閃出佛千億江漲濯足來影搖雲沙黑頗
似浙江潮萬人看堤側又如壁上軍觀門各默默問誰
鑿渾沌鬼斧固難測天梯著無地一徑沉傾側何曾能

度人鳥倦不容息且復矜莊嚴金碧炫空色蜿蜒層波
上一墮尤可惻穩步須自持莫便仗佛力

朝天關

峩峩葭萌關棧中第一隘上壓石千尺下截江一派險
勢過牛頭峻極出天界烈日掌中捧崩雲馬頭挂鉤梯
與危磴到此益奇怪俯窺江上船小若坳塘芥五丁鑿
不得架木迹未壞如何孟達輩守此亦終敗信哉險難
恃萬古一長噫

龍洞背

潛源欲西流無奈龍山阻大禹鞭黃龍磨角洞其股噴

薄爭一門雷聲破土鼓山靈不敢惜聳背觸天戶逆鱗
狀階梯觸之似含怒千年恃冥頑莫擅試斤斧何人毀
閭道鑿脊覆微土終然避其鋒未克剗岨嶬至今行路
人唾咳致風雨叢木況全燒六月行更苦危亭莫久歇
棟梁半朽腐

七盤關

七盤盤入空勢欲捫青天路逐石角轉人隨樹杪旋誤
入羊腸中甘讓飛鳥先風雲莽迴護欲出愁無緣嶺水
一以分隴蜀遂相懸頗似歧路人揮手揖馬鞭有草烟
外香有花雨中燃好景寫不得惆悵雲峯前

滴水崖

人從崖下行水自崖上落迴風吹水飛白雨灑林薄馬
滑進輒退僕怨前且却如入大漏天義輪避難託又恐
息壤移不受五丁鑿藤蔓正得意層層肆纏絡能令六
月寒峻嶺變幽谷真如陰險人天或助其虐殷勤語從
者此處防失脚

雞頭關

雞頭高入雲人與雲爭路夜行山不知險隘未全露月
落鳥亂啼林黑馬頻顧輿夫昧高低亂踏滑石步悄悄
盡七盤艇歸或驚去微聞水泐泐崖深自可悟天雞鳴

一聲回望轉生怖

棧中卽目二首

燒殘萬木自縱橫坐嘆青山草不生見鳥驚時聞虎亂
無人到處有牛耕蜀民東徙多愁狀漢水西來雜怨聲
地狹戶稠真可患豺狼白晝道中行

秋風卷地棧雲黃客在虛空學鳥翔木雨亂飛後嘯急
火星迸落馬蹄忙秦川水雜無常派西藏人過有異香
時刺麻入貢夾道紅花開十里可憐染草貴於糧

紫柏山謁留侯祠

紫柏何亭亭秀出萬峯內蒼松裂石隙白日光暝晦古

剝寄危頂四圍山向背赫赫張子房高與山作對博浪
椎始皇英氣蓋一代如何奇男子乃如婦女態賢者固
不測此橋事茫昧終從赤松遊明哲勇自退白雲棲棟
梁清風戛劍佩神仙帝王師一身得兼載商山友四皓
餘子莫能配從知邱壑中不容韓彭輩

柴關嶺

揮去青羊河登頓上衡嶺石齒排劍鐔叢蔭蔽陽影路
與蛇虎爭人挾風雲騁重嵐濕征衣飛泉灌客頂山骨
不受鋤箐林獨完整疑是秦神靈保茲樹干挺不然山
盡禿連理亦何幸萬木劫運開對此轉悲哽

早發

明月如積水瀉向當道淨崖樹倒影來橫斜
畫不正客子中夜行馬鳴遠谷應驚鵲墮
還飛駭獸竄反近齧聲出茅屋仙路絕塵
徑罡風刺肌骨嵐瘴潑眉鬢豈真萬戶侯
可以易性命悽然朝露中涕與淚交迸

出棧

日在青天行不辨青天色雲車落平原始覺
天不測出山心忽寬入山心忽仄終日事管
窺於天究何得人生困塵土高下同一惑遊
魚死江干猛虎斃林側造化費經營何怨亦
何德客從綿州來歷盡棧南北山水饒佳

趣於我如舊識此心無險夷安用生羽翼

馬嵬二首

不堪床第起干戈碎粉零香近若何見慣英雄兒女淚
虞姬歌罷戚姬歌

續近伏波祠外路白楊風起暗紅塵中丞自是多情客

不弔將軍弔美人

廟爲畢中丞新葺而伏波祠日就荒蕪故戲諷之

辛亥

仲春十有二日大考改授內閣中書恭紀

本是樗材莫怨尤敢言身是謫仙儔五雲未肯離雙闕
一字真成鑄六州豈望天恩回雨露翻勞聖慮別

薰蕕鳳凰池上枝還借感激鴻慈轉自羞

旋拋詞賦掌絲綸五夜從今作近臣若木麗天原捧
日枯楊得地便回春聲名未覺蓬萊遠詩句翻憐芍藥
新只恐夜寒霜滿鬢紫薇花笑老儒巾

中書寓直

毛義捧檄喜徐庶見書驚徒以老母故委曲隨世情微
官尙需次不字非守貞阿母疑且愁勉爲省中行四日
一日直休沐隨貳卿廿日一夜直襍被趨禁城暮鴉
迎車喧老鶴當枕鳴風送銅漏永月傍宮殿清絲
綸歸篋中筆墨有餘榮老母顧之喜杯酒時一傾誰憐

蠹書蟲文字爲死生況無蘇米才何以副盛名

端午

角黍佐佳肴菖蒲出美酒極意圖色養心悲樂在口出
謝催租人入戒衆僕婦謀歡及今朝慎毋報老母喚兒
舞綵衣呼女蒸雪藕瘦妻工說史一編送其手但博母
心順敢日能孝友剝啄客何來登堂坐待久相見各大
譚共矜我有守爲言競渡好曷不避債走小人唯有母
未敢離左右否則且歸山況復無組綬

苦熱三首

酷暑天無雲逾覺日光赤乾坤鼓洪鑪那是清涼宅鳥

急自毳毛獸困已希革憔悴向日葵偃蹇干霄柏無知
物已苦況乃熱腸客揮汗寢食廢瓜李盆中積庭堆北
陸冰室鋪流霞席暫謀今日安未暇謀今夕

家居猶可言到署將奈何伸紙書 絲綸流汗濕紙多
屢更不得就心急顏如酡羨彼當道人忍性耐編摩面
如含霜雪口若懸江河熱氣不敢出帶博冠且殺真同
內養士不扇夏已過醫熱如有術披裘勝披蓑

有不畏熱者營營彼青蠅冒日附奔驥千里還爭能於
物變黑白白壁失所憑君子方豈弟樊棘任飛騰如何
彼夏蟲而欲強語冰惜哉王思劍驅逐偏難勝

法源寺避暑

我愛法源寺松柏參天青
侵晨驅車去披襟憩林亭
烈日照偶遺薰風吹不停
瑟瑟聲作濤微微花送馨
靜中觀萬動悟彼相與形
守形寂不感機至關已局
何有暑與寒絕無畦與町
俯仰得清淨其理通黃庭
要無不死法偷閒聊獨醒
月出緩緩歸當路飛流螢

夜直入東華門

一官未補是閒身那更奔馳逐
要人折簡尙循前輩禮
看花空憶去年春班超有志思投筆
汲黯無才嘆積薪
最恨東華門左館卽今誰是舊詞臣

夢感三首

此身無父是孤人，遑問功名富與貧。
血淚永埋山穴裡，驚魂長墮楚江濱。
衰顏那更紅如玉，霜鬢出他白似銀。
昨夜夢回川北路，松楸還與護樵薪。

聖水祠邊聖水溝，繡塍如畫水如油。
長松恨未栽千畝，甘橘何須植萬頭。
墳土未乾元兔杳，墓廬將圯赤烏愁。
孤兒都在燕臺北，誰與春秋奠一甌。

聞道墳山最上頭，土人豪霸擅鋤耨。
身無縮地長房術，鹿漫傷松季義憂。
德薄多慚鄰里厚，官沉深愧室家浮。
幾時得遂歸田願，不待雷聲日守邱。

雜感八首

燕臺薄暮碧雲高望遠情傷首自搔巴國尙書門棨戟

謂周海山先生宕渠給諫墓蓬蒿謂家藝文章豈必超揚馬事

業猶堪姬禹臯前輩風流今孰嗣岷江江水日滔滔

南村風景近如何想道升庵著述多異味早從諸子嚼

妙詞應付九兒歌雨村有僮九兒善歌舊抄志料今成否兄近著蜀志料

新築書齋日幾過賦刻年餘還未寄兄有遊我眉賦余爲之注許刻寄

教人魂夢繫三裁

親有同胞又永離雲山西望淚漣洏艱難稼穡嘗眞徧

憔悴芝蘭植轉遲其勝伯父六報德心慚封贈日余爲

伯父請馳封送終腸斷紉纏期九原見父爲諄語莫念燕臺

不肖兒

青天忽見鴈行分痛哭龍山訃遠聞李廣難封真有數

劉蕡下第豈無文

龍山兄富於文而未登科

床頭風雨千秋業宅外

溪山四尺墳記得當年同試日人傳錦市有機雲

鄭家溝內蒼鱗集段氏塘邊赤鯉多往日釣遊窮水澤

他年踪跡付漁蓑狂謀未卜從心否顛性難醫奈老何

悵望夕陽愁渺渺誰教歸計阻山河

十間茅屋一區田老父經營數十年稼穡舊憑烏犢種

棟梁新被白駒穿

宅爲白蟻所食

空憐半子驅南畝

田舍屬姊丈冉耕住

俗以壻轉恨全家住北燕
安國死灰然恐溺歸與那待
爲半子
買山錢

雲龍庵路接祠堂祖墓遙
憐碧草長水抱山圍真福地
男耕女績是仁鄉張公幾代
無分產范老何時有義莊
最憶族寒豐戶少那堪薄宦
更空囊

百感茫茫但苦辛此生恐便是窮民家
無僭石不求富
腹有藏書翻賀貧巧笑春蠶還自縛
拙憐鳩婦更誰瞋
何當力踐歸田約笠鉤溪邊作散人

九日陶然亭登高有感

九日城南得得游無山可上獨登樓
窓開遠岫來紅葉

影落寒潭起白鷗風荻高低疑驟雨車蓬出沒似輕舟
危欄倚徧看無厭恰聽橫空鴈叫秋

危樓高與白雲齊放眼乾坤萬象低山海入關都拱北
江河出峽不歸西百年身世盧生夢幾卷文章太乙藜
夢醒火銷何處是蒹葭秋水正淒淒

將之保定先簡王二太守同年

琨

黑風吹白雲墮地化爲鶴子晉乘之遊三山採神藥我
欲一訪之滄海莽寥廓蛟龍戲輕舟誠素恐難託填海
慕精衛填河笑烏鵲終當借青鸞飛上蓬萊閣

盧溝橋

盧溝橋上沙飛揚盧溝橋下蛟虬藏
蟄冬未敢作波浪長堤十丈如堵牆
水落沙寒日光碧鴉鵲成羣啄細石
見人飛起只數尺更向淺水尋魚蝦
赤鯉元龜滅無迹朔風驚發天上來
吹折河柳拔榆槐斷蓬隨之上九垓
未知風定落何處客心對此空徘徊
何如閉戶傾金壺丈夫弧矢胡爲哉
下士聞之必大笑癡哉未解酒中妙

新店題壁

寒冬風正厲又向保陽城木落山逾瘦
沙沉水轉清凍雲遲客意殘月靜雞聲
未是傷離別通宵夢不成

早行三絕

西嶺墮殘月東山透日光寒鴉飛噪過鷺落一林霜
朝雲凍不飛早霞升輒沒何處宵征人策蹇度林樾
野店茅簷矮荒村斗室溫一杯東路酒醉煞探梅人

琉璃河

朝渡琉璃河河水淨如拭鳬鷺見客驚更向水中匿長
橋造何年石與玉爭色鎮橋怪石獐鐵鑄朶雲黑觸手
寒生稜蛟鼉不敢逼徘徊驅車去軌深慮顛踣目斷龍
山西心懸易水北此身何太勞寒風正淒惻

定興縣

南關遠置郵一水抱村流古剎多雙樹孤城擁百樓霜

寒官柳禿日瘦野梅幽有客尋詩切騎驢度白溝